



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

Exemplum de Hunis, & de Merlino, & quòd in filijs incuborum sit veritas
humanae naturae, cap. 12

urn:nbn:de:hbz:466:1-13177

bus noctibus continuè intempesta nocte idem dæmonium pulsauit ad ostium, Henrico clamitate: Scio quia propter me venit, scio quia propter me pulsat. Postea superuixit annum, debilis & infatuatus. Hæc mihi retulit monachus noster Theodericus Susatiensis, dicens celebre esse valde in eadem ciuitate, cuius frater adhuc viuit in Ecclesia sancti Patrocli canonicus. APOLLONIUS: Si dæmones hominibus in assūptis corporibus commiscentur, sicut diuersis iam exemplis ostensum est, miror si de feminis possent generare, siue de viris concipere & parere. CAESARIUS: De hac quæstione soluenda nihil noui scio, sed quod in antiquis historiis legi, hoc replicabo.

CAPUT XII.

Dum gens Gothorum ex Asia migraret in Europam, sicut in gestis legitur, haberetq; mulieres deformes in suo comitatu, eiecit illas, timens ne liberos nimis deformes gigneret, sicq; nobilitatem Gothoru deformaret. Quæ de castris extrusaæ, cùm errarent in nemore, accelerunt ad illas incubi dæmones, genueruntq; ex eis filios & filias, ex quibus processit fortissima gens Hunoru. Legitur etiam Merlinus propheta Britanorum ex incubo dæmon & sanctimoniali semina generatus. Nam & reges, qui usque hodie regnant in eadē Britannia, quæ nunc Anglia dicitur, de matre fantastica descendisse referuntur. Merlinus verò homo rationalis & Christianus fuit, multa futura prædictus, quæ quotidie implentur. APOLLONIUS: Si homines ex utriusque parétis semine concipiuntur tantu & nascuntur, quomodo dicendi sunt homines, qui partim ex homine, partim ex dæmoni, carnis suæ trahunt originem? Nunquid resurgit in iudicio, quod nō est de veritate humanæ naturæ? CAESARIUS: Dicā tibi, quod audiui à quodā literato viro de hac quæstione; ait enim: Crementum humanum, quod contra naturā fuditur, dæmones colligunt, & ex eo sibi corpora, in quibus tāgi videri q; ab hominibus possint, assūmunt, de masculino verò masculina, de fe-

minino feminina: sicq; dicunt magistri in his, qui de eis nascuntur, veritatem esse humanæ naturæ, eoque in iudicio ut verè homines resurgere. Hæc de his sufficiant, nunc reuertamur ad confessionem, de qua occasione interrogationis tuæ aliquantulum digressum est, exempli causa.

CAPUT XIII.

*Confessio
nus ge-
neralis
virtus.*

BOnna ciuitate dicēsis Coloniēsis sacerdos quidam fuit nomine Petrus, eiusdem Ecclesie vicarius: iste, nescio quo Dei iudicio, in camera sua ostio se suspendit, cuius coniubina, Alheydis nomine, tam horrenda eius morte territa, seculum deseruit, & in cœnobio quodam sanctimonialium, quod Lancyvade dicitur, religionis habitum suscepit. Die quadam, cum stans in dormitorio de fenestra prospiceret, & contempsa esset iuuenem, in de iuene dæmonem, stantem iuxta puteum muro dormitorij contiguum, qui ea vidente unum pedem super lignum, quo ambiebatur puteus, posuit, & altero se quasi volitando adipissam in fenestram deposuit: quam cum extensa manu per caput rapere conaretur, territa retrorsum cecidit & clamauit, penè exanimis facta. Audito eius clamore, accurreré sorores, in lectulum suum illam reclinantes. Recedentibus illis, cum paululum respirasset, solaque iacéret, dæmon iterum adfuit, & verbis quibusdam amatoriis eam solicitare cœpit: quæ cum contradiceret, intelligens spiritum eum esse malignum: respondit ille: Bona Alheydis, noli sic dicere, consenti mihi, & ego te habere faciam virū honestum, probū, nobilem, diuitémque: quare fame te crucias in hoc loco paupere, vigiliis alifq; multis incommodis ante tempus te interficiendo? Reuertere ad sæculum, & utere deliciis, quas Deus homini creavit, nihil tibi, me duce, deesse poterit: Tunc illa: Doleo quod tam diu te secuta sum, recede, quia non acquiescam tibi. Post hæc verba dæmon nasum emungens, contra eam ipsam immundiciam ad parietem lecti tam fortiter projectit, ut pars aliqua resiliens, uestimento eius adhaeret, sicque disparuit: eratque emunctio ipsa sicut pīx niger-